



Inatsisartuni ilaasortaq Justus Hansen, Demokraatit
/maani

Illunik niuruteqarnermi atuisut illersorneqarnerat pillugu § 37 naapertorlugu apeqquteqaammut 2019-112-mut akissut

04-03-2019
Suliaq nr.: 2019 - 5223
Id nr. 38808066

Asasara Justus Hansen

Inatsisartut suleriaasianni § 37 naapertorlugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1. Illunik nioqquteqarnermi atuisartut illersorneqarnissaat pitsanngorsarniarlugu Naalakkersuisut suliniutinik sunik aallartitsissamaarpat?

Akissut:

Naalakkersuisuniit ilisimatitsissutigineqarsinnaavoq, illunik niuruteqarnermi atuisut illersorneqarnerat qanoq iliorluni nukittortinneqarsinnaanersoq pillugu nassuiaat suliarineqarmat.

Nassuiaat aasannginnerani Inatsisartuni ilaasortanut agguanneqarsinnaassasoq Naalakkersuisut naatsorsuutigaat.

Apeqqut 2. Naalakkersuisut isumaqarpat nassuiaat "Illunik misissuisarnermut aaqqissuussineq aamma nukimmullu nalunaaqutsiisarneq" november 2017-imeersoq tatiginarpa, kisitsit saqqummersinneqartut eqqarsaatigalugit?

Akissut:

Kisitsisitigut paasissutissat saqqummiunneqartut nassuiaatip suliarineqarnerata nalaani missiliuinerit pitsaanersarigaat Naalakkersuisut isumaqarput.

Apeqqut 3. Naalakkersuisut isumaat naapertorlugu illunik piginnittunut qanoq kinguneqassava, Inatsisartuni amerlanerussuteqartut Naalakkersuisut peqqussagalarpatigit illup qanoq issusaa pillugu nalunaarusiortarneq, piginnittut nikerinneranni sillimmasiisarneq ilaalu ilanngullugit atortussanngorteqqullugit? Naliliinermi inoqarfinni ataasiakkaani illunik piginnittunut pissutsit atuuttut ataqqineqassapput.

Akissut:

Naalakkersuisut naliliinerat malillugu annertunerusumik misissueqqaarani apeqquteqaat akineqarsinnaanngilaq, tamanna pissappat pissutsinik naliliinissaq annertuumik nalorninartortaqaarsinnaammat. Maannarpiaq Naalakkersuisut misissuineramik

taamaattumik ingerlatsinissamut pilersaaruteqanngillat.

Taamaattumik Inatsisartut suleriaasianni § 37, imm. 2 innersuussutigalugu nalunaarutigissavara, Naalakkersuisut apeqquteqaat akissuteqarfigisinnaanngimmassuk.

Tamatumunnga taarsiullugu nassuiaat "Illunik misissuinissamut aqqissuussineq aamma nukissiuutitigut nalunaaqtsersuineq" 2017-imeersoq, inissianik nammineq pigisanik niuruteqarnermi aningaasaqarnermut kingunerisassanik tamarmiusunik nassuiaaffiusoq innersuussutigineqarpoq.

Neriuppunga qulaani allaqqasuni apeqquteqaatit akineqartut.

Inussiarnersumik inuulluaqqusillunga



Karl Frederik Danielsen